

LEJLA SHAHU
Auditues Ligjor
Lic.174 datë.22/01/2008

RAPORT I AUDITUESIT TË PAVARUR

PËR FONDET E PËRFITUARA DHE SHPENZIMET E KRYERA

NGA PARTIA ALEANCA POPULLORE PËR DREJTËSI

GJATE VITIT KALENDARIK 2017

RAPORTI I AUDITUESIT TË PAVATUR

Drejtuar : -Komisionit Qëndror të Zgjedhjeve:
Adresa: Rr.Ibrahim Rugova, Nr.4
-Partisë Aleanca Popullore për Drejtësi
Adresa: Rr. E Dibrës, nr.213, vila 2, Tiranë

Opinionit

Ne kemi audituar pasqyrat financiare të "Partia Aleanca Popullore për Drejtësi" (OJF), të cilat përfshijnë pasqyrën e pozicionit financiar më datën 31 Dhjetor 2017, pasqyrën e të ardhurave gjithëpërfshirëse, pasqyrën e ndryshimeve në kapital dhe pasqyrën e flukseve të parasë për vitin që mbyllet në këtë datë, si edhe shënimet për pasqyrat financiare, përfshirë një përmbledhje të politikave kontabël më të rëndësishme.

Sipas opinionit tonë, pasqyrat financiare bashkëlidhur paraqesin drejt, në të gjitha aspektet materiale, pozicionin financiar të "Partia Aleanca Popullore për Drejtësi" (OJF) në datën 31 Dhjetor 2017, dhe performancën financiare dhe flukset e parasë për vitin që mbyllet në këtë datë, në përputhje me Standardet Kombëtare të Kontabilitetit të OJF-ve.

Baza për Opinionin

Ne e kryem auditimin tonë në përputhje me Standardet Ndërkombëtare të Auditimit (SNA-të). Përgjegjësitë tona sipas këtyre standardeve janë përshkruar në mënyrë më të detajuar në seksionin e raportit ku Jepen Përgjegjësitë e Audituesit për Pasqyrat Financiare. Ne jemi të pavarur nga Partia Aleanca Popullore për Drejtësi (OJF), në përputhje me kërkesat etike që janë të zbatueshme për auditimin e pasqyrave financiare, dhe kemi përmbushur përgjegjësitë e tjera etike në përputhje me këto kërkesa. Ne besojmë se evidenca e auditimit që kemi siguruar është e mjaftueshme dhe e përshtatshme për të dhënë një bazë për opinionin tonë.

Çështjet Kryesore të Auditimit

Çështje Kryesore të Auditimit janë ato çështje që, në gjykimin tonë profesional, kanë qënë më të rëndësishme në auditimin e pasqyrave financiare të periudhës aktuale. Këto çështje kanë qënë adresuar në kontekstin e auditimit të pasqyrave financiare në tërësi dhe të formimit të opinionit tonë në lidhje me to, kështu që për këto çështje, ne nuk japim opinion të veçantë.

Përgjegjësitë e Administratorëve dhe të Personave të Ngarkuar me Mbikëqyrjen në lidhje me Pasqyrat Financiare

Drejtimi është përgjegjës për përgatitjen dhe paraqitjen e drejtë të pasqyrave financiare në përputhje me Standardet Kombëtare të Kontabilitetit, dhe për ato kontrollo të brendshme që drejtimi i gjykon të nevojshme për të bërë të mundur përgatitjen e pasqyrave financiare që nuk përmbajnë anomali materiale, qoftë për shkak të mashtrimit apo gabimit.

Në përgatitjen e pasqyrave financiare, drejtimi është përgjegjës për të vlerësuar aftësinë e OJF për të vazhduar në vijimësi, duke dhënë informacion, nëse është e zbatueshme, për çështjet që kanë të bëjnë me vijimësinë dhe duke përdorur parimin kontabël të vijimësisë përveç se në rastin kur drejtimi synon ta likujdojë OJF ose të ndërpresë aktivitetet, ose nëse nuk ka alternativë tjetër reale përveç sa më sipër.

Ata që janë të ngarkuar me qeverisjen janë përgjegjës për mbikëqyrjen e procesit të raportimit financiar të OJF.

Raporti i auditimit është i vlefshëm vetëm për pasqyrat financiare bashkëngjitur tij.

Përgjegjësitë e Audituesit për Auditimin e Pasqyrave Financiare

Objektivat tona janë që të arrijmë një siguri të arësyeshme lidhur me faktin nëse pasqyrat financiare në tërësi nuk kanë anomali materiale, për shkak të mashtrimit apo gabimit, dhe të tëshojmë një raport auditimi që përfshin opinionin tonë. Siguria e arësyeshme është një siguri e nivelit të lartë, por nuk është një garanci që një auditim i kryer sipas SNA-ve do të identifikojë gjithmonë një anomali materiale kur ajo ekziston.

Anomalitë mund të vijnë si rezultat i gabimit ose i mashtrimit dhe konsiderohen materiale nëse, individualisht ose të marra së bashku, pritet që në mënyrë të arësyeshme të influencojnë vendimet ekonomike të përdoruesve, të marra bazuar në këto pasqyra financiare.

Si pjesë e auditimit në përputhje me SNA-të, ne ushtrojmë gjykimin profesional dhe ruajmë skepticizmin profesional gjatë gjithë auditimit. Ne gjithashtu:

Identifikojmë dhe vlerësojmë rreziqet e anomalisë materiale, qoftë për shkak të mashtrimit ose gabimit, hartojmë dhe kryejmë procedurat e auditimit në përgjigje të këtyre rreziqeve, dhe marrim evidencë auditimi që është e mjaftueshme dhe e përshtatshme për të siguruar një bazë për opinionin tonë. Rreziku i moszbulimit të një anomalie materiale si rezultat i mashtrimit është më i lartë se rreziku si rezultat i gabimit, sepse mashtrimi mund të përfshijë marrëveshje të thjeshta, falsifikime, përjashtime të qëllimshme, informacione të deformuara, anashkalime të kontrolleve të brendshme.

Sigurojmë një njohje të kontrollit të brendshëm që ka të bëjë me auditimin me qëllim që të përcaktojmë procedurat e auditimit që janë të përshtatshme sipas rrethanave, por jo për qëllime të shprehjes së një opinionimi mbi efikasitetin e kontrollit të brendshëm të OJF-se.


Vlerësojmë përshtatshmërinë e politikave kontabël të përdorura dhe arësyeshmërinë e çmuarjeve kontabël dhe të shpjegimeve përkateëse të bëra nga drejtimi.

Nxjerrim një konkluzion në lidhje me përshtatshmërinë e përdorimit të bazës kontabël të vijimësisë, dhe bazuar në evidencën e auditimit të marrë, nëse ka një pasiguri materiale në lidhje me ngjarjet ose kushtet, e cila mund të hedhë dyshime të mëdha për aftësinë e OJF-se, por të vijuar veprimtarinë. Nëse ne arrijmë në përfundimin që ka një pasiguri, ne duhet të tërheqim vëmendjen në raportin e audituesit në lidhje me shpjegimet o dhëna në pasqyrat financiare, ose nëse këto shpjegime janë të papërshtatshme, duhet të modifikojmë opinionin tonë. Konkluzionet tona bazohen në evidencën e auditimit të marrë deri në datën e raportit tonë të auditimit. Megjithatë, ngjarje ose kushte të ardhshme mund të bëjnë që OJF-ja të ndërpresë veprimtarinë.

Ne komunikojmë me personat e ngarkuar me qeverisjen, përveç të tjerave, lidhur me qëllimin dhe kohën e auditimit dhe gjetjet e rëndësishme të auditimit, përfshirë ndonjë mangësi të rëndësishme në kontrollin e brendshëm që ne mund të identifikojmë gjatë auditimit.

Lejla Shahu

Auditues Ligjor



Tirane më 20 Korrik 2018

Raporti i auditimit është i vlefshëm vetëm për pasqyrat financiare bashkëngjitur tij.

PËRMBAJTJA E RAPORTIT

I. Pasqyra e Pozicionit Financier

II. Pasqyra e Aktiviteve (Performancës)

III. Pasqyra e Flukseve të Mjeteve Monetare

IV. Informacion i përgjithshëm

V. Politikat operuese

VI. Rregullat e vleresimit

VII. Shënime mbi Llogaritë Vjetore

LEJLA SHAHU
 Auditues Ligjor
 Lic.174 datë.22/01/2008

I. PASQYRA E POZICIONIT FINANCIAR
 Per vitin ushtrimor te mbyllur me 31.12.2017

(Shumat ne Lek)

| I | AKTIVET | Shenime | 31/12/2017 |
|----|--|---------|--------------|
| | 1 Aktivet monetare | | 3,100 |
| | 2 Te drejta dhe interesi i arketueshem | | |
| | 3 Kontribute te arketueshme | | |
| | 4 Inventare dhe shpenzime te parapaguara | | |
| | 5 Investime financiare afatshkurtra | | |
| | 6 Aktive te kufizuara per investime | | |
| | 7 Toka, nderresa dhe paisje | | |
| | 8 Investime te tjera afatgjata | | |
| | Totali i AKTIVEVE | | 3,100 |
| II | DETYRIMET | | |
| | 1. Te paguoshme | | 3,100 |
| | 2. Deflesa te paguoshme | | |
| | 3. Kontribute te marra ne avance | | |
| | 4. Grantet | | |
| | 5. Prentime te kushtezuara per tu dhene | | |
| | 6. Huate afatgjata | | 0 |
| | Totali Detyrimeve (II) | | 3,100 |
| II | AKTIVET NETO | | |
| I | 1. Te kufizuara | | |
| | a) toke ose vepra arti qe perdoren per qellime te caktuara, ruhen dhe nuk shiten | | |
| | b) aktive tedhuruara per tu investuar me qellim e te krijohen burim te ardhurash prej tyre | | |
| | 2. Te pekufizuara | | |
| | Totali i Aktiveve Neto (III) | | 0 |
| | Totali Detyrimita dhe Aktive Neto | | 3,100 |

Shenimet shoqeruese nga 8 deri ne 13 jane pjese integrale e ketyre Pasqyrave Financiare

LEJLA SHAHU
 Auditues Ligjor
 Lic.174 date.22/01/2008

II.PASQYRA E AKTIVITETEVE (PERFORMANCES)

Per vitin ushtrimor te mbyllur me 31.12.2017

(Shumet ne ALL)

| Nr | Përshkrimi i elementëve | Shenime | 31.12.2017 |
|----|--|---------|-------------------|
| A) | <i>Ndryshimi ne aktivet neto te pakufizuara:</i> | | |
| - | <i>Te Ardhurat:</i> | | |
| | 1.Te ardhurat nga tarifat e anetaresimit | | 0 |
| | 2.Teardhura nga donacionet dhe kontributet vullnetare | | |
| | 3.Te ardhura nga grante qeveritare, agjenci te tjera | | 325,000 |
| | 4.Te ardhura nga investime apo dhurime | | 1,053,475 |
| | 5.Tarifat dhe sherblimet | | |
| | 6.Te ardhurat nga aktivitetet tregtare | | |
| | 7.Te ardhura te tjera | | |
| | Totali i te Ardhurave | | 1,378,475 |
| - | <i>Aktive neto te drituara nga kufizimet:</i> | | |
| | 1.Realizimi i kufizimeve te programit | | |
| | 2.Realizimi i kufizimeve per blerjen e paisjeve | | |
| | 3.Perfundimi i kufizimit te afatit | | |
| | <i>Totali i aktiveve te drituara nga kufizimet</i> | | |
| - | <i>Shpenzime te aktivitetit</i> | | |
| | 1.Per anetaresimo | | |
| | 2.Shpenzime administrimi e te tjera te pergjithshme | | -1,378,475 |
| | 3.Krijim dhe rritje fondesh | | |
| | Totali i shpenzimeve | | -1,378,475 |
| | Rritja/Renta ne aktivet neto te pakufizuara (A) | | 0 |
| B) | <i>Ndryshimi ne aktivet neto te kufizuara</i> | | |
| | 1.Kontributet | | |
| | 2.Te ardhurat nga investimet afatgjate | | |
| | 3.Filimi i realizuar nga investimet afatgjate | | |
| | 4.Humbje nga obligacionet | | |
| | 5.Aktivitet neto te drituara nga kufizimet | | |
| | Rritja/Renta ne aktivet neto te kufizuara (B) | | 0 |
| C) | <i>Ndryshimi ne Aktivitet Neto (A+B)</i> | | 0 |
| - | <i>Aktivitet neto ne fillim</i> | | 0 |
| - | <i>Aktivitet neto ne fund</i> | | 0 |

Shenimet shoqeruese nga 8 deri ne 13 jane pjese integrale e ketyre Pasqyrave Financiare

LEJLA SHAHU
 Auditues Ligjor
 Lic.174 date.22/01/2008

III.PASQYRA E FLUKSIT TE MJETEVERE MONETARE

Metoda Indirekte

(të ushtrimit të mbylltur më datë 31.12.2017)

(Shumat në ALL)

| FLUKSET NGA AKTIVITETET E SHFRYTËZIMIT | | 2017 |
|---|--|--------------|
| | <i>Para të arketuara nga kontribute të pakufizuara</i> | 594,649 |
| | <i>Para të arketuara nga perfituësit e shërbimeve</i> | 553,094 |
| | <i>Grante të pagueshme/kthyeshme</i> | |
| | <i>Të paguara për punonjësit dhe furnitorët</i> | -1,142,744 |
| | <i>Interesi i paguar</i> | -1,900 |
| | <i>Interesa dhe dividende të arketuar</i> | |
| | Flukset nga aktivitetet e shfrytëzimit | 3,100 |
| FLUKSET NGA AKTIVITETET INVESTUESE | | |
| | <i>Kontribute të kufizuara</i> | |
| | <i>Blerje/shitje investimesh</i> | |
| | <i>Blerje/shitje të aktivave afatgjatë materiale</i> | |
| | Flukset nga aktivitetet investuese | |
| FLUKSET NGA AKTIVITETET FINANCUERE | | |
| | <i>Arketime ngakontributet e kufizuara për investime në dhurime/ndihma</i> | |
| | <i>Interesa dhe dividende të kufizuara për qëllime në terma afatgjatë</i> | |
| | <i>Principali i paguar për detyra të pagueshme</i> | |
| | Flukset nga aktivitetet financuese | |
| | Ritje/Renje neto e flukseve | 3,100 |
| | Gjendje në fillim të periudhës | 0 |
| | Gjendje në fund të periudhës | 3,100 |

Shënimet shoqëruese nga 8 deri në 13 janë pjesë integrale e ketyre Pasqyrave Financiare

SHENIME SHPJEGUESE

(të ushtrimit të mbyllur më datë 31.12.2017)

IV. Informacion i Përgjithshëm.

Në dokumentacionin në Zyrën e Regjistrimit të Partive Politike, pranë Gjykatës së Rrethit Gjyqësor Tiranë, rezulton se me urdhër nr. 1179 datë 03.03.2005 (i ndryshuar në datë 24.03.2017), të Ministrisë të Drejtësisë është miratuar krijimi i Partisë "Partia Aleanca Popullore për Drejtësi", me iniciais "APD" Qëllimi dhe objektivat e kësaj partie janë të përcaktuara në program dhe statut. Partia Aleanca Popullore për Drejtësi ka lindur si levizje për mbrojtjen e legjitimitetit dhe rendit kushtetues. APD është vazhduesja legjitime dhe e drejtpërdrejtë e ideve të Triumfit të të përndjekurve politike. Kryetarët janë: Kurt Kola, Bilal Kola dhe Ilir Çunaj.

Burimet e financimit të Partisë janë:

- Të ardhurat nga kuotat e anëtarësimit
- Të ardhurat nga persona fizikë dhe juridikë;
- Të ardhura nga degët jashtë atdheut
- Të ardhura nga shtyp i APD-së
- Donacione të ndryshme brënda kufirit ligjor
- Të ardhura të parashikuara në ligj.

Selia e Partisë është në: Rr. E Dibrës, nr.213, vila 2, Tiranë.

Numri identifikues Personit Tatimor(NIPT) është: L71610452W

V. Politikat operuese

Drejtimi i Partisë, ka operuar për këtë periudhë që auditojmë në pajtim me:

- ligjin nr.10019, datë 29.12.2008 "Kodi Zgjedhor i Republikës së Shqipërisë, i ndryshuar me ligjin 74/2012 datë 19.07.2012 dhe ligjin 31/2015 datë 02.04.2015
- ligjin nr.8580 datë 17.02.2000 "Për Partitë Politike" i ndryshuar me ligjin 10374 datë 10.02.2011 dhe me ligjin nr.90/2017 datë 22.05.2017
- ligjin Nr.9228 "Për Kontabilitetin dhe Pasqyrat Financiare i datës 29.04.2004, i ndryshuar.
- dhe akte të tjara nënligjore në fuqi, në konformitet me objektin e veprimtarisë për të cilin është krijuar.

VI. Rregullat e vlerësimit

Bazat e përgatitjes së Pasqyrave Financiare

Nga data 1 janar 2016 është bërë efektiv Standarti Kombëtar i Kontabilitetit për OJF-të për përgatitjen e pasqyrave financiare të hartuara në përputhje me këtë Standard nga ato organizata të cilat kanë një identitet ligjor të veçantë, të cilat:

- janë krijuar për të kryer aktivitet të veçanta të një natyre bamirësie apo altruiste
- nuk taten (për aq kohësa nuk kryejnë aktivitet fitimprurës)
- janë të ndaluar t'i ndajnë tepricat nga aktiviteti tek themeluesit dhe/ose anëtarët
- nuk zotërohen ose kontrollohen nga Qeveria

SKK për OJF-te synohet të zbatohet nga të gjitha ato organizata që kanë statusin e njësisve ekonomike jo fitimprurëse, vëndase apo të huaja, që kryejnë aktivitet në Shqipëri. Janë objekt i këtij Standarti fondacionet, shoqatat, qëndrat, partitë politike, institucionet fetare, sindikatat dhe cdo organizatë tjetër e përmendur në këtë paragraf, por që ka statusin e një organizate jo fitimprurëse, përveç atyre OJF-ve apo disa prej veprimtarive të tyre, të cilat me ligj të veçantë, përjashtohen nga detyrimi për të ndërtuar dhe raportuar pasqyrat e tyre financiare.

Objektivi i pasqyrave financiare të përgatitura sipas këtij Standarti është dhënja e informacionit rreth pozicionit financiar, performancës dhe fluksit të mjeteve monetare të Partisë politike jo fitimprurëse, të dobishëm për qëllime të përgjegjësisë dhe vendimmarrjes së përdoruesve të këtyre pasqyrave

LEJLA SHAHU
Auditues Ligjor
Lic.174 data.22/01/2008

financiare. Pasqyrat financiare japin një pamje të drejtë të pozicionit financiar, performancës dhe fluksit të mjeteve monetare të Subjektit politik, vetëm dhe vetëm nëse:

- a) ato janë të sakta e të plota në pasqyrimin e përmbajtjes së ngjarjeve ekonomike;
- b) përgatitja e tyre bazohet në vlerësimet të arësyeshme e të bazuara (në rastet kur vlerësimet janë të domosdoshme); dhe
- c) shënime të pasqyrat financiare janë të përgatitura në detaje të maftueshme për të dhënë një pamje të përgjithshme të pozicionit financiar, performancës dhe fluksit të mjeteve monetare të Subjektit politik, në mënyre të tilla që lexuesit kompetentë të mund të nxjerrin konkluzione të arësyeshme.

Paraqitja e vërtetë dhe e besueshme nënkupton që:

Parimet bazë dhe kërkesat e tjera, të paraqitura nga nenet 9 deri 12 të Ligjit të Kontabilitetit nr. 9228 si dhe paragrafet 40-90 të SKK 1 "Kuadri i përgjithshëm për përgatitjen e pasqyrave financiare", janë përdorur si bazë për përgatitjen e pasqyrave financiare të Subjektit politik;

Aktivitet, detyrimet, aktivitet neto, të ardhurat dhe shpenzimet, të paraqitura në pasqyrat financiare të Subjektit politik, përmbushin kriteret e kufizimeve të dhëna në këtë standard.

Pozicioni Financiar

Pozicioni financiar i Subjektit politik është marrdhënja e aktiveve, detyrimeve dhe aktiveve neto në një datë të caktuar siç paraqitet në pasyrën e pozicionit financiar.

- a) një aktiv është një objektose e drejtë e kontrolluar nga Subjekti politik si rezultat i ngjarjeve të kaluara, nga i cili pritet të rrjedhin në të ardhmen tek Subjekti politik, përfitime ekonomike ose forma të tjera të mundshme të përfitimeve
- b) një detyrim është një detyrim aktual i Subjektit politik që rrjedh nga ngjarje të shkuara, shlyerja e të cilit pritet të rezultojë në një dalje në të ardhmen nga Subjekti politik të përfitimeve ekonomike ose forma të tjera të mundshme të përfitimeve.
- c) aktivitet neto përfaqësojnë aktivitet e Subjektit politik mbasi zbriten të gjitha detyrimet e saj.

Performanca

Performanca tregohet nga marrdhënja e të ardhurave dhe shpenzimeve të një Subjekti politik gjatë një periudhe raportuese.

Të ardhurat dhe shpenzimet përcaktohen si vijon:

Të ardhurat janë rritje të përfitimeve ekonomike ose formave të tjera të mundshme të përfitimeve, gjatë periudhës raportuese, të cilat rezultojnë si shtim i aktiveve ose si pakësim i detyrimeve;

Shpenzimet janë zvoglimet në përfitimet ekonomike ose formave të tjera të mundshme të përfitimeve, gjatë periudhës raportuese, të cilat rezultojnë si pakësim i aktiveve ose si shtim i detyrimeve.

Aktivi

Aktivi është një objekt ose e drejtë ekonomike e kontrolluar nga subjekti politik, i cili :

Ka ardhur si rezultat i ngjarjeve të shkuara; dhe

Nga përdorimi, i të cilit priten në të ardhmen përfitime ekonomike ose forma të tjera të mundshme të përfitimeve.

Detyrimet

Detyrimet në pasqyrën e pozicionit financiar të Subjektit politik janë detyrime aktuale të cilat:

Kanë lindur nga ngjarje të shkuara; dhe

Shlyerja e tyre pritet të shoqërohet në të ardhmen me daljen e përfitimeve ekonomike apo të llojeve të tjera të përfitimeve të mundshme.

Aktivitet neto

Aktivi neto është diferenca mes aktiveve dhe detyrimeve të Subjektit politik në datën e pasqyrës së pozicionit financiar. Aktivitet neto, mbështetur në ekzistencën ose mungesën e një kufizimi të vendosur nga donatori, ndahen në:

Aktive neto të kufizuara, dhe

Aktive neto të pakufizuara.

Paraqitja e Pasqyrave Financjare të Subjektit politik

Ky seksion përcakton parimet për hartimin e pasqyrave financjare të organizatave jo fitimprurëse.

Pasqyrat financjare të Subjektit politik përbëhen nga:

- pasqyra e pozicionit financiar*
- pasqyra e aktiviteteve, dhe*
- pasqyra e fluksit të mjeteve monetare.*

Organizatave jo fitimprurëse japin në shënime shpjeguese informacione të tjera shtesë të nevojshme për të kuptuar llojin e aktiviteteve dhe shërbimeve që kryejnë.

Pasqyra e Pozicionit Financiar

Qëllimi dhe objekti i pasqyrës së pozicionit financiar

Qëllimi kryesor i pasqyrës së pozicionit financiar është të japë informacionin e duhur mbi aktivet, detyrimet dhe aktivet neto të Subjektit politik si dhe marrëdhënjet e tyre me njëra tjetrën në një moment të caktuar kohë. Informacioni i dhënë në pasqyrën e pozicionit financiar i përdorur së bashku me informacionin e dhënë në shënime shpjeguese apo informacionin e pasqyrave të tjera financiare, ndihmon donatorët, anëtarët, kreditorët dhe të tjerë përdorues të vlerësojnë,

- a) aftësinë e Subjektit politik për të vazhduar ofrimin e shërbimeve dhe*
- b) likuiditetin e Subjektit politik, fleksibilitetin financiar, aftësinë për të shlyer detyrimet dhe nevojat për financime të jashtme*

Klasifikimi i aktiveve dhe detyrimeve

Pasqyra e pozicionit financiar, përfshirë shënime shpjeguese për pasqyrat financiare, jep informacionin e duhur rreth likuiditetit, fleksibilitetit financiar dhe marrëdhënjeve mes aktiveve dhe detyrimeve të Subjektit politik, ky informacion jepet në pasqyrë duke i bashkuar aktivet (detyrimet) me karakteristika të njëjta në grupime të arësyeshme dhe homogjene.

Klasifikimi i aktiveve neto të kufizuara dhe të pakufizuara nga donatorët

Pasqyra e pozicionit financiar e përgatitur nga Subjekti politik paraqet shumat e secilës prej dy klasave të aktiveve neto:

Aktive neto të kufizuara dhe

Aktive neto të pakufizuara:

Mbështetur në ekzistencën ose mungesën e një kufizimi të vendosur nga donatori.

Aktivet neto të kufizuara

Brënda kategorisë së aktiveve neto të kufizuara, duhet të paraqiten në zëra të veçantë, në pasqyra apo në shënime shpjeguese, si më poshtë:

Aktivet si psh: toka apo vepra arti të dhuruara, me përcaktimin që të përdoren për qëllime specifike, të ruhen dhe të mos shiten, ose

Aktive të dhuruara me qëllim që të investohen për të siguruar një burim të përhershëm të ardhurash:

Aktivet neto të pakufizuara

Informacioni rreth kufizimeve kontraktuale të cilat janë të konsiderueshme dhe të rëndësishme, përfshirë angazhimeve për të marre hua, paraqitet në shënime shpjeguese. Në mënyrë të ngjashme, informacioni rreth kufizimeve të votvendosura që konsiderohet i rëndësishëm, përfshirë informacionin mbi ndonjë vendim të mbështetur në vullnetin e lirë të bordit drejtues të Subjektit politik për të krijuar aktive neto të pakufizuara sipas funksionit si dhurime (ndonjëherë të quajtura dhurata të krijuara nga Bordi), mund të jepet në shënime ose tek votë pasqyrat financiare.

Qëllimi dhe objekti i Pasqyrës së Aktiviteteve

Qëllimi kryesor i Pasqyrës së Aktiviteteve i përdorur së bashku me shënime shpjeguese është të japë informacionin e nevojshëm mbi:

- a) efektet rreth transaksioneve të ngjarjeve apo rrethanave të tjera që çojnë në ndryshimin e shumave dhe natyrës së aktiveve neto*

- b) marrëdhënjet e këture transaksioneve të ngjarjeve apo rrethanave të tjera me njëra tjetrën dhe
- c) si përdoren burimet e Partisë politike për të ofruar programe apo shërbime të ndryshme.
- Informacioni i paraqitur në pasqyrën e aktiviteteve i përdorur së bashku me shënimet shpjeguese apo informacionin e pasqyrave të tjera, ndihmon donatorët, kreditorët e të tjerë përdorues që të:
1. vlerësojnë performancën e Partisë politike gjatë periudhës
 2. vlerësojnë përpjekjet e Partisë politike për të ofruar shërbime dhe aftësinë e saj për të vazhduar në ofrimin e shërbimeve
 3. vlerësojnë se si drejtuesit e Partisë politike delegojnë përgjegjësitë dhe bashkëpunojnë me të tjerët
 4. aspekte të tjera të performancës së organizatës.

Kontributet e marra

Kontributet e marra duhet të njihen si të ardhura ose fitime në periudhën kur merrën si aktive, pakësim të detyrimeve apo shpenzimeve në varësi të formës së përfitimit të marrë. Kontributet e marra maten me vlerën e tyre të draftë.

Kontributet në formën e shërbimeve

Kontributet në shërbime do të njihen nëse shërbimet e përfituara

- a) krijojnë ose shtojnë aktive jo financiare ose
- b) kërkojnë aftësi të specializuara të ofruara nga inividë që i kanë këto aftësi dhe nëse nuk përfitoheshin si donacion do duhej të bliheshin. Shërbimet që kërkojnë aftësi të specializuara ofrohen nga arkitektë, kontabilistë, hekurthyesit, doktorët, elektrikistët, avokatët, infermierët, hidraulikët, mësuesit, zejtarët dhe profesionistët e tjerë.
- c) Kontributet në shërbime dhe premtime për të dhënë shërbime që nuk plotësojnë kriteret e mësipërme nuk do të njihen në pasqyrat financiare.

VII. SHENIME MBI LLOGARITE VJETORE.

Pasqyra e Pozicionit Financiar/ Aktivet

1. Mjetet monetare dhe ekuivalentet e tyre

Aktivt dhe detyrimet në monedha të huaja janë paraqitur me vlerën e drejtë përkthehen në lekë me kursin e këmbimit në datën që është përcaktuar vlera e drejtë.

Gjendja e mjeteve monetare në datë 31.12.2017 është në vlerën 3,100 lekë si mëposhtë:

| | <u>31 dhjetor 2017</u> | <u>31 dhjetor 2016</u> |
|----------------------------|------------------------|------------------------|
| 1. mjete monetare në bankë | 3,100 | 0 |
| 2. mjete monetare në arkë | 0 | 0 |
| Totali | 0 | 0 |

Gjendja e detajuar e bankave më 31.12.2017 jepet nga tabela e më poshtërme:

| Nr. | llogarite bankare | 31.12.2017 | 31.12.2016 |
|--------------|-------------------------------|------------------|--------------|
| 1 | Tirana Bank 0160-317785-100CB | 3,100 Lek | 0 Lek |
| TOTAL | | 3,100 Lek | 0 Lek |

2. Detyrimet/ Te pagueshme

2. Detyrimet

| | <u>31 dhjetor 2017</u> | <u>31 dhjetor 2016</u> |
|-----------------|------------------------|------------------------|
| 1. Të pagueshme | 3,100 | 0 |
| Totali | 3,100 | 0 |

Zëri i detyrimeve "Të pagueshme" përbëhet si më poshtë:

| | <u>31 dhjetor 2017</u> | <u>31 dhjetor 2016</u> |
|--------------------------------------|------------------------|------------------------|
| 1. Paga | 2,250 | 0 |
| 2. Sigurime shoerore dhe shëndetsore | 850 | 0 |
| Totali | 3,100 | 0 |

3. Aktivt Neto të Pakufizuara

Në këtë zë është paraqitur diferenca midis aktivit dhe totalit të detyrimeve më 31.12.2017 në shumën 0 lekë, e cila përfaqson gjëndjen psurore të partisë.

| | <u>31 dhjetor 2017</u> | <u>31 dhjetor 2016</u> |
|-------------------------------|------------------------|------------------------|
| 1. Aktive Neto të pakufizuara | 0 | 0 |
| Totali | 0 | 0 |

LEJLA SHAHU
Auditues Ligjor
Lic.174 data.22/01/2008

Pasqyra e Aktiviteteve

6.Të Ardhurat

Të ardhurat e realizuara gjatë vitit ushtrimor janë si më poshtë:

| | <u>31 dhjetor 2017</u> | <u>31 dhjetor 2016</u> |
|------------------------------------|------------------------|------------------------|
| 1.Të ardhura nga Buxheti i Shtetit | 325,000 | 0 |
| 2.donaclone | 269,649 | 0 |
| 3.Dhurime në natyre | 783,826 | 0 |
| Totali | 1,378,475 | 0 |

Partia Aleanca Popullore per Drejtesi nuk ka përfituar fonde nga Buxheti i Shtetit ne formen e ndihmes financiare per vitin 2017, sipas vendimit te KOZ-se me Vendimin nr.341 datë 31/05/2017. *Këto fonde duhet të kthehen në bazë të vendimit 558 datë 31.07.2017 bazuar në rezultatin përfundimtar të zgjedhjeve për Kuvënd 2017.*

Gjate vitit 2017, Partia Aleanca Popullore per Drejtesi ka arketuar dhurime ne total 269,649 nga 6 persona fizike, te cilet kane dhuruar shuma me vlere me te vogel se 100,000 leke. Keto te ardhura jane arketuar ne llogarinet bankare te Partise. Partia ka mbajtur rregjistrin e dhurimeve duke identifikuar qarte identitetin e dhuruesve, te cilet kane nenshkruar deklaratat individuale te dhurimit, ne perputhje me Ligjin 10019 date 29/12/2008 "Kodi Zgjedhor ne RSH" i ndryshuar, neni 90 pika 1 e saj.

Gjithashtu Partia Aleanca Popullore per Drejtesi, gjate vitit 2017, ka rregjistruar ne formen e dhurimit ne natyre shumen 783,826 leke, e cila i referohet dhurimeve ne shumen 408,980 nga shoqeria shqiptare "K&H Lawfirm" e cila ka dhene ne favor te APD pa pagese mbeshtetje financiare. Shuma 144,114 lek jane dhurime ne natyre nga persona fizike me shuma me te vogla se 100,000 leke. *Ndërsa shuma 230,732 lekë janë paga të dhuruara partisë nga punonjës të saj.*

7.Shpenzimet për aktivitetin

"Shpenzime administrimi dhe të tjera të përgjithshme" në shumën 1,378,475 lekë, përfshijnë shpenzimet operacionale vjetore të Partisë, dhe detajohens si mëposhtë:

| | |
|-------------------|---------|
| telefoni | 7,613 |
| energj,elektrike | 5,964 |
| ukt | 1,541 |
| siguracione | 24,259 |
| kom | 4,100 |
| qera | 452,200 |
| tatim burim | 79,800 |
| paga | 249,904 |
| dhurime ne natyre | 553,094 |